



KUVENDI I ODËS SË FARMACISTËVE TË KOSOVËS (OFK), në mbështetje të nenit 19, paragrafi 1 me nënparagrafin 1.1, 1.17 dhe 1.18 të Ligjit për Odat e Profesionistëve Shëndetësor nr.04/L-150 dhe nenit 18, paragrafi 5 dhe nenit 19 paragrafi 5 të Statutit të Odës Farmacistëve të Kosovës, në mbledhjen e mbajtur me 23/04/2021, nxjerr këtë

RREGULLORE

PËR ORGANIZIMIN E ZGJEDHJEVE, PROCEDURËN E KANDIDIMIT, MËNYRËN E ZGJEDHJES DHE REVOKIMIN E ANËTARËVE TË ORGANEVE TË ODËS SË FARMACISTËVE TË KOSOVËS

Neni 1

Kjo rregullore ka për qëllim të rregullojë:

- a) sistemin zgjedhor për zgjedhjet për Kuvendin e Odës së Farmacistëve të Kosovës;
- b) njohjen dhe mbrojtjen e të drejtës për të votuar dhe kriteret për pranueshmërinë e votës;
- c) mirëmbajtjen e listës së votuesve;
- d) regjistrimin e kandidatëve për anëtarë të organeve të OFK-së dhe certifikimin e tyre;
- e) përgjegjësitë dhe funksionimin e Komisionit Qendror të Zgjedhjeve;
- f) organizimin dhe funksionimin e komisioneve të njëjësive zgjedhore;
- g) rregullat për akreditimin e vëzhguesve të zgjedhjeve, si dhe të drejtat dhe përgjegjësitë e tyre;
- h) kodin e mirësjelljes së kandidatëve për anëtarë të OFK-së dhe mbështetësve të tyre;
- i) procedurat e votimit, numërimit dhe shpalljes së rezultateve;
- j) sanksionet e ngarkuara për shkeljen e dispozitave të kësaj rregullore dhe pengim të procesit zgjedhor.
- k) Procedurën e zgjedhjes së organeve tjera të OFK-së

Neni 2

1. Zgjedhjet për Kuvendin e OFK-së mbahen në bazë të votës së lirë, të përgjithshme, të barabartë, të drejtpërdrejtë dhe të fshehtë në përputhje me këtë rregullore dhe Statutin e OFK-së.
2. Votuesit me të drejtë vote janë të barabartë në ushtrimin e të drejtës së tyre për të votuar në përputhje me kriteret e përcaktuara me këtë rregullore.
3. Çdo anëtar i OFK-së ka të drejtën për të votuar dhe për t'u zgjedhur pa diskriminim në bazë të racës, etnisë, ngjyrës, gjuhës, gjinisë, besimit fetar apo bindjes politike, arsimit, përkatësisë sociale apo ndonjë kriteri tjetër të ngjashëm në përputhje me dispozitat e kësaj rregullore.

4. Komisioni Qendror i Zgjedhjeve ndërmerr aktivitete për edukimin e votuesve me qëllim të rritjes së aftësive të votuesve për procedurat e votimit dhe procedurat e mbrojtjes së të drejtave zgjedhore.
5. Liria dhe fshehtësia e votës është e garantuar. Askush nuk ka të drejtë të pengojë ndonjë anëtar për të votuar, të detyrojë atë të votojë në një mënyrë të caktuar, të mbajë atë përgjegjës për votën, ose të kërkojë kundër dëshirës së tij/saj që të zbulojë votën e tij/saj ose arsyet për mos votim.
6. Zgjedhjet për Kuvendin e OFK-së reflektojnë përfaqësimin gjeografik të të gjitha rajoneve të Kosovës dhe përfaqësimin sektorial privat, publik e rregullues ekzekutiv.
7. Të gjithë kandidatët janë të lira të bëjnë fushatë zgjedhore, përmes organizimit të ngjarjeve dhe botimit e shpërndarjes së materialeve për fushatë në çfarëdo mënyre ligjore në përputhje me rregullat dhe legjislacionin në fuqi.
8. Të gjitha kandidatët, mbështetësit e tyre dhe të gjitha institucionet tjera janë të obliguara të respektojnë parimet themelore të përcaktuara në këtë nen dhe të ndërmarrin të gjitha masat për të siguruar mbajtjen e zgjedhjeve të lira, të drejta dhe të mirë-informuara në një atmosferë të tolerancës demokratike, paqes dhe respektit për sundimin e ligjit.

Neni 3

1. Për qëllim të kësaj rregullore , termer e përdorura kanë këto kuptime :
 - 1.1. **“KQZ”** – Komisioni Qëndror i Zgjedhjeve, përgjegjës për organizimin, administrimin dhe mbarëvajtjen e procesit zgjedhor në OFK
 - 1.2. **“KNJZ”**- Komisioni i njësisë zgjedhore, përgjegjës për administrimin e procesit në njësi zgjedhore brenda regjionit për aktes
 - 1.3. **“Njësi Zgjedhore”** – baza deleguese e përfaqësimit të anëtarit në Kuvendin e OFK-së, që themelohet në kuadër të regjionit
 - 1.4. **“Lista Votuese”** – lista me të dhënat e anëtarit të OFK-së të cilët kanë të drejtë votimi për Kuvendin e OFK-së
 - 1.5. **“Anëtari”** – Anëtari i OFK-së
 - 1.6. **“Vëzhgues”** – personi i certifikuar nga KQZ për të monitoruar procesin zgjedhor
 - 1.7. **“Libri Votimit”** – forma, material zgjedhor i aprovuar nga KQZ në të cilin shënohen vërejtjet përkitazi me procesin zgjedhor pranë OFK
 - 1.8. **“Formulari i Përputhjes së Rezultateve” (FPR)** do të thotë formulari i miratuar nga KQZ-ja para çdo zgjedhjeve për qëllim të përputhjes së votave në një vendvotim;
 - 1.9. **“Periudha e kundërshtimit dhe e konfirmimit”** do të thotë periudha kohore gjatë së cilës votuesit me të drejtë vote verifikojnë të dhënat e tyre dhe mund të kundërshtojnë pasaktësitë ose lëshimet në Listën e Votuesve në njësit e caktuara nga KQZ-ja në përputhje me rregullat dhe procedurat e themeluara nga kjo rregullore dhe KQZ-ja;
 - 1.10. **“SKQZ”** do të thotë Sekretariati i KQZ-së;

Neni 4

1. Kuvendi i OFK-së cakton dhe shpall datën e zgjedhjeve për Kuvendin e OFK-së.
2. Zgjedhjet për Kuvendin e OFK-së nuk mbahen më herët se gjashtëdhjetë (60) ditë para përfundimit të mandatit të legjislaturës përkatëse
3. Vendimi i Kuvendit për të caktuar datën e zgjedhjeve bëhet jo më herët se gjashtë (6) dhe jo më vonë se 1 (1) muaj para datës së zgjedhjeve.
4. Kuvendi i OFK-së zgjidhet për një mandat katër (4) vjeçar, i cili fillon që nga dita e seancës konstitutive e cila mbahet brenda tridhjetë (30) ditësh nga shpallja zyrtare e rezultateve të zgjedhjeve.
5. Në rast të shpërndarjes së Kuvendit të OFK zgjedhjet e parakohshme caktohen nga Kuvendi jo me nuk mund të mbahen më herët se tridhjetë (30) ditë dhe me vonë se dyzetë e pesë (45) ditë pas shpërndarjes. Zgjedhjet e parakohshme rregullohen sikurse edhe zgjedhjet tjera, përveç se KQZ-ja mund të ndryshojë afatet kohore sipas nevojës në pajtim me rrethanat.
6. Vendimi për shpalljen e zgjedhjeve bëhet publik në web faqen e OFK-së

Neni 5

1. Komisioni Qendror i Zgjedhjeve, është një organ i përhershëm i OFK-së me mandat 4 vjeçar dhe i pavarur në kuptim të kësaj rregullore.
2. KQZ-ja siguron përgatitjen dhe mbajtjen e zgjedhjeve në pajtim me parimet dhe kërkesat e Statutit të OFK-së dhe kësaj rregullore .

Neni 6

1. KQZ është e vendosur në selinë e OFK-së
2. KQZ ka vulën e saj autentike përmbajtja, forma, dimensionet dhe menyra e përdorimit të vulës përcaktohen me vendim të vecantë të KQZ-së
3. KQZ ka protokoll të vecantë

Neni 7

1. KQZ përbëhet nga 3 anëtarë të zgjedhur nga Kuvendi i OFK-së me propozimin e Këshillit Drejtues.
2. Mandati 4 vjeçar i tyre përfundon me zgjedhjen e anëtarëve me mandat të ri të KQZ-së.
3. Anëtarët e zgjedhur të KQZ-së nuk mund të jenë kandidatë për anëtarë të organeve të OFK-së
4. Anëtarët e zgjedhur të KQZ-së nuk mund të dhënë nënshkrim mbështetës për asnjërin nga kandidatët për anëtarë Kuvendi në OFK.

Neni 8

1. KQZ ushtron këto kompetenca :
 - 1.1 Ndërrmarrjen e të gjitha veprimeve për pregaditjen, mbikqyrjen dhe drejtimin e të gjitha veprimeve që kanë të bëjnë me procesin e zgjedhjeve për organet e OFK-së në përputhje me dispozitat e kësaj rregullore dhe praktikat ndërkombëtare
 - 1.2 Themelimin e njërive zgjedhore sipas kriterëve të përcaktuara me këtë rregullore

- 1.3 Miratimin e planit operacional për organizimin e zgjedhjeve
- 1.4 Emërimin e komisioneve të njëjësive zgjedhore
- 1.5 Certifikimin e listës votuese
- 1.6 Certifikimin e kandidatëve për organe të OFK-së
- 1.7 Certifikimin e rezultatit zgjedhorë dhe shqyrtimin e kërkesave për rishqyrtim të vendimeve
- 1.8 Trajnimin dhe sigurimin e materialeve zgjedhore për KNJZ-të
- 1.9 Përcaktimin e Qendrave të votimit
- 1.10 Kryen edhe detyra të tjera në realizim të zgjedhjeve të organeve të OFK-së në përputhje me dispozitat e kësaj rregullore

Neni 9

1. KQZ nga shpallja e zgjedhjeve e deri në zgjedhjen e organeve të parapara në fushveprim të saj me këtë rregullore mban takime së paku një herë në muaj, Jashtë procesit të rregullt zgjedhor mbledhjet thirren me kërkesen e kryetarit të OFK-së sipas nevojës konkrete për çështje nga fushëveprimi i kësaj rregullore.
2. Çështjet tjera të mbarvajtjes së punës të KQZ-së rregullohen përshtatshmërisht me rregullorën për punën e organeve kolegjiale të OFK-së
3. Anëtarët e KQZ-së, kompenzohen për takimet e tyre barazvlershëm me mëditjet për komisionet e OFK-së.

Neni 10

1. Në kryerjen e përgjegjësive dhe funksioneve të tij, KQZ-së i ndihmon Sekretariati (këtu e tutje: “Sekretariati i KQZ-së”) i cili vepron në pajtim me këtë rregullore dhe vendimet e KQZ-së
2. Sekretariati i KQZ-së udhëhiqet nga Kordinatori i Sekretariatit
 - 2.1. Sekretariati i KQZ-së është përgjegjës për:
 - a) organizimin e agjendës së takimeve të KQZ-së nën udhëheqjen e Kryesuesit dhe sigurimin e tërë materialit të nevojshëm para çdo takimi;
 - b) merr pjesë në implementimin e planit operacion të zgjedhjeve sipas detyrave të përcaktuara nga KQZ
 - c) man procesverbalet e mbledhjeve të KQZ-së
 - d) raportim në KQZ për të gjitha detyrat e SKQZ-së,
 - e) kryen punë tjera të caktuara nga KQZ në përputhje me këtë rregullore

Neni 11

1. Sekretariati i KQZ-së përbëhet nga zyrtarët e Shërbimit Profesional të OFK-së.
2. Sekretariatit i KQZ-së sipas nevojës mund të caktojë pjestarë shtesë me miratimin e Kryetarit të OFK-së
3. Sekretariati I KQZ-së është bartës i detyrave dhe përgjegjësive gjatë gjithë kohës sa zhvillohet procesi zgjedhor.
4. Dispozitat e paragrafit paraprak zbatohet përshtatshmërisht dhe gjatë organizimit të

- zgjedhjeve të parakohshme për ndonjërin nga organet e OFK-së
5. Kompenzimi i anëtarëve të Sekretariatit përcaktohet nga Kryetari i OFK-së për periudhen 3 mujore të procesit të rregullt zgjedhor.

Neni 12

1. Komisioni i Njësive Zgjedhore i ka tre (3) anëtarë të cilët janë përgjegjës për administrimin dhe organizimin e zgjedhjeve brenda njësisë përkatëse të regjionit. Komisionet përcaktohen nga KQZ për ushtrimin e këtyre funksioneve : Kryesues i KNJZ-së, Komisioner për fletëvotim dhe komisioneri listës identifikuese.
2. Anëtarët e KNJZ-së janë anëtarë me të drejtë vote në atë njësi. Vetëm në raste të jashtëzakonshme si refuzimi i marrjes së detyrës nga të gjithë anëtarët apo mospërgjigja për pranim të detyrës brenda 5 ditëve nga KQZ, KQZ mund të emërojë anëtarë të KNJZ-së edhe anëtar të cilët nuk janë votues të asaj njësie zgjedhore.
3. KQZ-ja emëron KNJZ-të pas propozimit të Kryesuesit të KQZ-së jo më vonë pesë (5) ditë para mbajtjes së zgjedhjeve. Emërimet përfundojnë 10 ditë pas certifikimit të rezultateve të zgjedhjeve, përveç nëse mandati i KKZ-së ndërpritet para përfundimit të afatit ose zgjatet.
4. Asnjë anëtar nuk mund të caktohet të shërbejë si anëtar i KNJZ-së, ose të vazhdojë të shërbejë pasiqë është caktuar, po qe se ai/ajo është kandidat për anëtar të Kuvendit të OFK-së;
5. Asnjë anëtar nuk mund të caktohet të shërbejë si anëtar i KNJZ-së, nëse është në konflikt interesi lidhje familjare me ndonjë nga kandidatët e njësisë zgjedhore ku është caktuar anëtarë të cilin detyrohet ta deklarojë para se të ushtrojë funksionin në KNJZ
6. Asnjë anëtar nuk mund të caktohet të shërbejë si anëtar i KNJZ-së, nëse ka dhënë nënshkrim mbështetës për ndonjërin prej kandidatëve për anëtar Kuvend nga ajo Njësi Zgjedhore, përjashtimisht rastet në njësitë zgjedhore të insitucioneve publike.
7. Kompenzimi i anëtarëve të KNJZ-së është i barazvlershëm me mëditjet e KQZ-së
8. KQZ mund të nxjerr akt të vecantë me të cilin mund të përcaktojë kompetenca dhe përgjegjësi shtesë për KNJ-së
9. Emërimi i një anëtari të KKZ-së i nënshtrohet betimit dhe nënshkrimit të Kodit të Sjelljes së KQZ-së të miratuar nga KQZ-ja, para fillimit të punës.

Neni 13

1. Pa e kufizuar parimin e përgjithshëm të përgjegjësive të tyre, secili nga KNJZ duhet të:
 - a) sigurojë informata të gjithë anëtarëve të njësisë për procesin zgjedhor lidhur me të drejtat dhe obligimet e tyre ndaj zgjedhjeve;
 - b) merr pjesë në çfarëdo seance trajnimi të kërkuar nga KQZ-ja;
 - c) ndihmojë marrëveshjet teknike në Vendvotime dhe çdo përgatitje tjetër teknike për zgjedhje përfshirë pranimin e të gjithë materialit zgjedhor, kujdesin për të dhe dorëzimin e tij ditën e përfundimit të procesit zgjedhor në KQZ
 - d) sigurojë mbajtjen e përshtatshme të votimit, të numërimit, përmbledhjen dhe publikimin e rezultateve të zgjedhjeve brenda juridiksionit të tyre;
 - e) grumbullojë dhe ruajë materiale zgjedhore pas zgjedhjeve; dhe

f) kryejë detyra tjera të cilat kërkohen nga legjislacioni në fuqi ose me vendim të KQZ-së.

Neni 14

1. KQZ-ja mund ta revokojë në çdo kohë emërimin e secilit anëtar të KNJZ-së nëse anëtari:

- a) nuk i kryen detyrat e tij/saj sipas rregullave të KQZ-së;
- b) vepron në mënyrë të anshme dhe joprofesionale;
- c) nuk merr pjesë në dy takime të njëpasnjëshme të KQZ-së pa ndonjë arsye të bazuar;
- d) merr pjesë në përkraje të kandidatëve për anëtarë të Kuvendit
- e) Anëtari i KNJZ-së, të cilit iu ka revokuar emërimi, menjëherë e ndërprente përfshirjen në punët e KNJZ-së dhe ia kthen Korridnatorit të Sekretariatit pajisjet e KNJZ-së.

Neni 15

1. Mbështetur në rekomandimet e Komisionit Njësisë të Zgjedhjeve (KNJZ), KQZ-ja, përmes Sekretariatit të KQZ-së, jo më vonë se 2 ditë para zgjedhjeve, miraton adresën e vendvotimit për njësi zgjedhore dhe i publikon lokacionet e sakta të të gjitha venvotimeve.
2. Secilit anëtar të regjistruar i caktohet vendvotimi që është lokacioni ku emri i tij/saj shfaqet në Listën Përfundimtare të Votuesve të përdorur gjatë mbajtjes së votimit në ditën e zgjedhjeve.
3. Nëse lokacioni i Venvotimi është ndryshuar pas përcaktimit të tij, KQZ i njofton votuesit për ndryshimin përmes formeve elektronike.

Neni 16

1. KQZ-ja mban Listën e Votuesve dhe siguron që Lista e Votuesve është e saktë dhe e azhuruar, dhe e njëjta përmban ekstraktin më të vonë në dispozicion i të gjithë anëtarëve të regjistruar si anëtarë të OFK-së, e përpiluar mbi anëtarësimet deri në ditën e certifikimit të listës përfundimtare të votuesve.
2. Lista e Votuesve përmban informatat si: emri, mbiemri, numri i anëtarësisë, numri licencës, numri personal, njësia zgjedhore, regjioni i caktuar për të votuar.
3. Për konfirmimin e të drejtës për votim, KQZ-ja ka qasje në regjistrat e anëtarëve.
4. Lista e Votuesve është në dispozicion për të pasur qasje në të ashtu siç parashihet me rregullat e KQZ-së.
5. OFK pajis KQZ-në me të gjitha informatat përkatëse që KQZ kërkon për të mirëmbajtur Listën e Votuesve në pajtim më afatet kohore të caktuara nga KQZ-ja.
6. KQZ-ja u ofron KNJZ-ve një kopje të shtypur të listës së votuesve për njësinë e tyre zgjedhore

Neni 17

1. Komisioni Qendror i Zgjedhjeve bën verifikimin e të dhënave të anëtarëve për proces zgjedhor jo më vonë se 20 ditë para mbajtjes së zgjedhjeve.
2. Lista e votuesve në njësi të zgjedhore caktohet sipas kriterëve të mëposhtme :

- a. Lista votuese e farmacistët të punësuar në instiucione private, private-shëndetësore, farmacistëve të pa punë apo farmacistët në institucione publike e institucionet e arsimit të lartë të cilat nuk kanë arritur numrin (çelësin) për krijimin si njësi zgjedhore e vecantë përcaktohet sipas vendbanimit të tyre si kriter paresor dhe kontratës/ dokumentit të ushtrimit të veprimtarisë si kriter dytesor
- b. Lista votuese e farmacistëve të punësuar (mardhënie primare) në në instiucione e të gjitha niveleve publike shëndetësore, institucionet e arsimit të lartë, dhe institucioneve tjera publike hartohet sipas listës së farmacistëve të pranuar nga të dhënat e instiucioni me të cilin farmacisti është në mardhënie primare pune. Nëse instiucioni refuzon ofrimin e të dhënave për farmacistë e punësuar, KQZ vendos mbi bazën e të dhënave të OFK-së apo institucioneve tjera publike.

Neni 18

1. Anëtarët e përfshirë në listën preliminare mund të kundërshtojnë, pasaktësitë apo lëshimet në Listën e Votuesve gjatë periudhës së vendosur për atë qëllim nga KQZ-ja.
2. Para fillimit të Periudhës së Kundërshtimit dhe Konfirmimit, Sekretariati i KQZ-së bën pregaditjet në mënyrë që secili anëtarë të ketë mundësinë e verifikimit online të njësisë zgjedhore dhe regjionit ku do të votojë.
3. Vendimet për ndryshimet në LV merren nga KQZ, pasi që anëtarët të ketë pasur mundësinë të sfidojë pasaktësitë dhe mangësitë ne Listën e Votuesve, mirëpo së paku 10 ditë para ditës së zgjedhjeve, KQZ-ja vërteton se Lista e Votuesve është në përputhje me rregulloren dhe legjislacionin në fuqi.
4. Njësi zgjedhore e anëtarit mund të ndryshohet për këto arsye:
 - a) Farmacistët në instiucione private shëndetësore, të pa punë apo të punësuar në institucion i cili nuk ka arritë celësin për krijimin e njësisë zgjedhore vetëm nën arsyen se është i punësuar në institucion privat shëndetësor apo ka vendbanim tjetër i cili është ne njësi tjetër zgjedhore nga ai i publikuar. Arsyja të dëshmuar me dokumentacion përkatës (kontrata punes, certifikata vendbanimi, etj)
 - b) Farmacistëve në kuadër të institucioneve publike, institucioneve të të gjitha niveleve shëndetësor publike, institucioneve të arsimit të lartë, mund të paraqesin kërkesën vetëm nëse dëshmojnë se kanë shkëputur mardhënien e punës primare me instiucionin në të cilin figuron në listën preliminare.

Neni 19

1. Çdo anëtar mund të paraqesë kërkesë për rishqyrtim të listës të Votuesve duke parashtruar kërkesen e arsyetuar pranë KQZ-së së bashku me dokumentacionin përkatës si në paragrafet 4a apo 4 b të nenit paraprak .
2. Anëtari mund të ngritë ankesë në KQZ nëse zbulon që emri i tij/saj nuk gjendet në LV. Një ankesë e tillë përfshinë çfarëdo prove relevante, vlera e së cilës përcaktohet nga KQZ.
3. Afati mbi kundërshtimin vendoset nga KQZ, dhe duhet të publikohet së bashku me publikimin e afatit për verifikimin online të të dhënave.

Neni 20

1. KQZ brenda 48 orësh pas mbylljes së afatit për kërkesat për rishqyrtim u komunikon vendimet lidhur me kërkesat palëve të cilat kanë paraqitur kundërshtimet
2. Vendimi i KQZ-së për zgjidhjen e kundërshtimit mund ta atakohet në gjyqin e nderit
3. Gjykata e Nderit të OFK-së është organ përfundimtar në shkallë të dytë i cili vendos ndaj ankesave të parashtruara nga antari për vendosjen e KQZ
4. Afatet procedurale për realizimin e të drejtave nga ky nen përcaktohen nga KQZ.

Neni 21

1. KQZ pas mbarimit të afateve për atakim, dhe vendosjes nga organet kompetente në rast të ankesave KQZ certifikon listën përfundimtare të votuesve.
2. Certifikimi përfundimtar i listës së votuesve bëhet jo më vonë se 10 ditë para datës së mbajtjes së zgjedhjeve.

Neni 22

Çdo anëtar i OFK-së ka të drejtë të zgjedh dhe të zgjidhet në ditën e zgjedhjeve dhe në njësinë zgjedhore ku ai apo ajo është i regjistruar, me kusht që emri i tij apo saj paraqitet në listën e votuesve të njësisë zgjedhore deri në datë e caktuar nga KQZ-ja, sipas rregullave të përcaktuara me këtë rregullore.

Neni 23

1. Anëtarët e Kuvendit të OFK-së zgjidhen me votim të drejtpërdrejt dhe të fshehtë në njësitë zgjedhore brenda territorit të 7 Regjioneve sipas kriterit të Statutit të OFK-së mbi përfaqësimin në Kuvend dhe kriterëve të përcaktuar me këto rregullore, Juridiksioni i regjioneve përcaktohet sipas juridiksionit territorial të 7 Gjykatave të përcaktuara me Ligjin për Gjykatat, dhe juridiksionet regjionale të përcaktuara me Ligjin për Policinë dhe Ligjin për Prokurorinë e Shtetit.

Neni 24

1. Përfaqësimi në Kuvendin e Odës konstituohet në kuadër të njësisë zgjedhore të 7 regjioneve, sipas çelësit përfaqësues
 - 1.1. Farmacistët e punësuar në institucione private shëndetësore, të pa punë në profilin e farmacisë, sipas çelësit në cdo (numri total i listës së certifikuar votuese në këto institucione/numri i anëtarëve të kuvendit OFK) zgjedhin 1 anëtarë të Kuvendi
 - 1.2. Farmacistët e punësuar në institucione publike të nivelit parësor, dytësor dhe tretësor shëndetësor si dhe institucionet tjera publike- administrative dhe rregulluese ekzekutuese të sektorit farmaceutik si dhe në institucionet e arsimit të lartë sipas çelësit 1 anëtar për çdo 11 anëtarë të punësuar
- 1.2.1 Të punësuar në institucionet publike – administrative dhe ato të arsimit të lartë të cilat nuk kanë arritur të krijohen si njësi e vetme zgjedhore sipas çelësit të paraparë në paragrafin 1.2, shpërndahen në listën votuese në kuadër të njësisë në paragrafin 1.1.

2. Institucioneve publike jo shëndetësor nuk i lejohet fuzionimi (bashkimi) me institucionin tjetër. Bazë në përcaktimin e regjionit zgjedhës të tyre merret selia, përkatësisht qyteti ku ushtron veprimtarinë aj institucion.
3. Institucionet publike shëndetësore mund të fuzionohen njera me tjetren vetëm në kuadër të te njetit regjion dhe të te njetit nivel të kudjesit shëndetësor
4. Përmbushja e kriterëve nga njësia zgjedhore të cilat ndërliohen me celësisht përfaqësues dhe kriterëve nga paragrafi paraprak vlerësohet nga KQZ
5. Cështjet tjera procedurale në zbatim të këtij ligji, rregullohen nga KQZ

Neni 25

1. Në njësit zgjedhore ku numri i aplikuesve të certifikuar për kandidatë për anëtarë të Kuvendit është i barabartë me numrin e anëtarëve që zgjedh ajo njësi në Kuvend, procesi zgjedhor në atë njësi nuk organizohet.
2. KQZ me vendim bën përjashtim e procesit zgjedhor dhe në atë njësi, përjashtim i cili bëhet vetëm nën arsyen e përcaktuar në paragrafin e 1 të këtij neni.
3. Anëtarët e certifikuar sipas paragrafëve paraprak, emërohen nga KQZ si anëtarë të Kuvendit nga ajo njësi zgjedhore

Neni 26

1. Kandidatura për anëtarë të Kuvendit të OFK-së duhet të mbështet me nënshkrim nga së paku 5 anëtarë të OFK-së të njësisë përkatëse zgjedhore të kandidatit.
2. Një anëtarë i njësisë zgjedhore mund ta mbështet vetëm një kandidatë për anëtarë të Kuvendit të OFK-së nga njësia. Kandidati për anëtarë nuk mund të jep nënshkrim mbështetës për kandidaturen e tij.
6. Institucionet publike të nivelit tretësor, ato të nivelit dytësor dhe nivelit parësor të kujdesit shëndetësor të cilat në regjionin përkatës ku ushtrojnë veprimtarinë shëndetësore kanë më pak anëtarë se kriteri - celesi për krijimin e njësisë së vecantë zgjedhore të përcaktuar nga neni 24, paragrafi 1 me nënparagrafin 1.2 i kësaj rregullore, caktojnë në Kuvendin e OFK-së së nga një anëtarë, anëtarin e QKMF dhe anëtarin e Spitalit nga qytetit më i madh i Regjionit, pavarësisht nga plotësimi i kriterit përfaqësues. Fitimi i mandatit të dytë bëhet në përputhje me kriteret e përcaktuara me këtë rregullore për përfaqësimin nga instucionet publike shëndetësor të nivelit parësor, dytësor dhe tretësor.
3. Në rastet kur QKMF dhe Spitali nga paragrafi paraprak kanë dy e më tepër anëtarë të OFK-së si staf të tyre, përzgjedhja e anëtarit bëhet sipas ketyre kriterëve dhe sipas perparësise të përcaktuar si më poshte:
 - a) Pozita më e lartë në hirarkinë e institucionit
 - b) Anëtari me përvojën më të gjatë si farmacist i licencuar
 - c) Gjinia femërore
4. Vlerësimin e ligjshmërisë nga kriteret e paragrafi paraprak e bën KQZ
5. Në rast se anëtarët e QKMF dhe Spitalit sipas paragrafëve paraprak nuk plotësojnë kriteret për te qene anëtar i Kuvendit sipas paragrafi pasues, përzgjedhet anëtari nga qyteti më i madh i radhës pas qytetit më të madh të regjionit. Vlersimi i ligjshmërisë së caktimit të anëtarit bëhet përshtatshëmrisht me paragrafin paraprak.

6. Anëtarët të cilët kanë ushtruar funksionin e anëtarit të Kuvendit të OFK-së për dy mandate nuk kanë të drejtë kandidimi / caktimi në Kuvendin e OFK-së
7. Afati dhe procedura e paraqitjes së kandidatures përcaktohet nga KQZ

Neni 27

1. KQZ është autoritet kompetentë që vendos nëse aplikuesi ka përmbushur kriteret e parapara me këtë rregullore dhe afatet procedural të përcaktuara nga KQZ.
2. Aplikuesi të cilët refuzohen kanë të drejtën e paraqitës të kërkesës për shqyrtim pranë KQZ-së.
3. Ndaj vendimit të KQZ-së me të cilën është trajtuar kërkesa për rishqyrtim të vendimit, aplikuesi ka të drejtën e ankesës në shkallë të dytë Gjyqi i Nderit.
4. Pas kalimit të afatit të ankesave dhe afateve të shqyrtimit të këtyre ankesave në rast të paraqitjes, Komisioni Qëndror i Zgjedhjeve Certifikon listën përfundimtare të kandidatëve pjesëmarrës në zgjedhjet për anëtarë të Kuvendi të OFK-së
5. Afatet procedurale nga ky nen përcaktohen nga KQZ.

Neni 28

1. Secili kandidatë i cili merr pjesë më procesin zgjedhoë ka të drejtë që të propozojë një person në cilësi të vëzhguesit në njësinë zgjedhore në të cilën është certifikuar kandidatura e tij.
2. Kandidati mund ta propozojë vëzhguesin vetëm brenda njësisë zgjedhore në të cilin zgjedhet nga anëtarët e njësisë zgjedhore. Vëzhguesi nuk mund të jetë kandidatë për anëtarë të Kuvendit.
3. Kandidati propozimin duhet ta bëjë përmes formularit përkatës në KQZ brenda afatit të përcaktuar.
4. KQZ vendos mbi certifikimin e vëzhguesve dhe të njejtët paisen me mjet identifikues is vëzhgues, duke u përkujdesur që për të njejën të njoftohen edhe KNJZ përkatëse me qëllim të pregaditjes së vendit të qëndrimit brenda vendvotimit për vëzhguesit e akredituar.
5. Vëzhguesit e akredituar kanë të drejtën që vërejtjet e tyre ti paraqesin në librin e votimit, duke shkruar emrin dhe mbiemrin e tyre si dhe cilësine e vazhgimit së bashku me pretendimet e tyre
6. Vëzhguesit e akredituar kanë të drejtë që të parashtrajnë ankesë lidhur me parregullësit që i evidentojnë në vendvotim pranë KQZ-së brenda afateve të përcaktuar nga KQZ. Ankesa e tillë nuk ka karakter suspensivë.
7. Ndaj vendimit të KQZ-së për akreditim mund të paraqitet kërkesë për rishqyrtim të vendimit
8. Afatet procedurale për realizimin e kësaj të drejte nga ky nen përcaktohen nga KQZ.

Neni 29

1. Organizatat jo qeveritare ndër-qeveritare, organizatat ndërkombëtare të specializuara, të cilat merren me zgjedhjet dhe mbrojtjen e të drejtave të njeriut, dhe përfaqësuesit e vendeve të huaja, kanë të drejtë të kërkojnë akreditim të vëzhguesve për zgjedhje.

2. Organizatat nga pragrafi 1 kanë të drejtën e propozimit të një vëzhguesi për një vendvotim
3. Vëzhguesit e akredituar kanë të drejtën që vërejtjet e tyre ti paraqesin në librin e votimit, duke shkruar emrin dhe mbiemrin e tyre si dhe cilësinë e vazhimit së bashku me pretendimet e tyre
4. Vëzhguesit e akredituar kanë të drejtë që të parashtrojnë ankesë lidhur me parregullësit që i evidentojnë në vendvotim pranë KQZ-së brenda afateve të përcaktuara nga KQZ. Ankesa e tillë nuk ka karakter suspensivë.
5. KQZ vendos mbi certifikimin e vëzhguesve dhe të njëjtët paisen me mjet identifikues is vëzhgues, duke u përkujdesur që për të njëjën të njoftohen edhe KNJZ përkatëse me qëllim të pregaditjes së vendit të qëndrimit brenda vendvotimit për vëzhguesit e akredituar.
6. Ndaj vendimit të KQZ-së për akreditim mund të paraqitet kërkesë për rishqyrtim të vendimit
7. Kriteret si dhe afatet procedurale mbi realizimin e kësaj të drejte përcaktohen nga KQZ

Neni 30

1. Vëzhguesit e akredituar nga KQZ, ushtrojnë këto të drejta :
 - a. Të jenë prezentë në vendvotim nga hapja e vendvotimit e deri në mbylljen e numërimit në vendvotim brenda Njësisë zgjedhore
 - b. Të vëzhgojnë veprimet e komisionerëve dhe mënyrën e punës në vendvotim
 - c. Të vëzhgojnë mënyrën e identifikimit të anëtarëve gjatë votimit nga lista votuese
 - d. Të mbajë shënime në lidhje me procesin e zhvilluar në atë njësi zgjedhore
 - e. Të vëzhgojnë plotësimin e procesverbaleve të votimit dhe numërimit të votave
 - f. Të paraqet vërejtjet e tyre në librin e votuesve
 - g. Të qëndrojnë në pozitat të cilat përcaktohen nga kryesuesi i KNJZ-së

Neni 31

1. Vëzhguesit e akredituar nga KQZ, gjatë qëndrimit në vendvotim kanë këto detyrime :
 - a) Të përmbahen nga cfardo forme e komunikimit me votues
 - b) Të përmbahet nga cfardo forme e ndikimit në vullnetin e lirë të votuesit
 - c) Gjatë qëndrimit në vendvotim të jetë i pajisur me mjet identifikues të lëshuar nga KQZ
2. Mos përmbushja e detyrimeve sjellë përjashtim dhe tërheqjen e akreditimit për vëzhguesin i cili nuk i përmbahet detyrimeve të përcaktuara nga KQZ

Neni 32

1. KQZ miraton planin e veprimit me anë të të cilit bëhet përcaktimi dhe konkretizimi i veprimeve e kërkesave dhe aktiviteteve të KQZ-së për organizimin e zgjedhjeve si dhe përcaktimin e afateve për realizimin e tyre në përputhje me dispozitat e kësaj rregullore
2. Plani i veprimit i miratuar nga KQZ mund të ndryshohet dhe plotësohet nga KQZ-ja sipas nevojave që paraqiten gjatë zhvillimit të procesit zgjedhor

Neni 33

1. Mbështetur në rekomandimet e Komisionit Njësisë të Zgjedhjeve (KNJ), KQZ-ja, përmes Sekretariatit të KQZ-së, jo më vonë se 3 ditë para zgjedhjeve, i publikon lokacionet e sakta të të gjitha vendvotimeve të njësisë zgjedhore.
2. Secilit anëtar të regjistruar i caktohet vendvotimi që është lokacioni ku emri i tij/saj shfaqet në Listën Përfundimtare të Votuesve të përdorur gjatë mbajtjes së votimit në ditën e zgjedhjeve.
3. Nëse lokacioni i vendvotimit është ndryshuar, KQZ-ja i njofton votuesit për ndryshimin përmes formeve elektronike.

Neni 34

1. KQZ organizon trajnim për anëtarët e KNJZ-ve në lidhje me rregullat zgjedhore dhe organizimin e oricesit zgjedhore
2. Trajnimi mbahet së paku një (1) ditë para ditës së zgjedhjeve
3. Ditën e trajnimit dorëzohen edhe materialet zgjedhore në KNJZ
4. Me rastin dorëzimit nga Kryesuesi i KQZ-së dhe kryesuesi KNJZ-së apo personave të autorizuar nga ta nënshkruhet procesverbal i cili përmban të dhënat e materialeve të dorëzuara si :
 - a. Lista e votuese
 - b. Numrin e fletëvotimeve të dorëzuara
 - c. Libri i votimit
 - d. Kutinë e votimit
 - e. Materialet tjera si Flika, FPR etj
 - f. Materiale shpezues si kimik. Ngjitës etj
 - g. Materiale tjera të përcaktuara nga KQZ

Neni 35

1. KQZ-ja vendos një rregull e cila qeverisë rregullat e procedurës, shpërndarjet dhe pranimin e materialeve për zgjedhje të cilat i dërgohen KNJZ-së.
2. Në Ditën e Zgjedhjeve, Kryesuesi i KNJZ-së, i dërgoj materialet për mbajtjen e zgjedhjeve në vendvotim.
3. Të gjithë anëtarët e knjz duhet të jenë të pranishëm në vendvotim së paku një orë para fillimit të votimit.
4. Kryesuesi i KNJZ-së i kryen të gjitha detyrat e përcaktuara nga rregullat e KQZ-së të nevojshme për të hapur vendvotimin sikurse është përcaktuar me rregullat e KQZ-së.
5. Nëse Vendvotimi hapet me vonesë, Kryesuesi i KNJZ-së e informon menjëherë e informon Sekretariatit të KQZ-së dhe regjistron kohën e hapjes në Librin e vendvotimit.

Neni 36

1. Emrat e kandidatëve paraqiten në fletëvotim siç paraqiten me rregullin e KQZ-së.
2. Anëtari udhëzohet për të shënuar zgjedhjen e tij/saj aq qartë që të mos ketë paqartësi mbi preferencat.
3. KQZ-ja përcakton numrin e fletëvotimeve të cilat shtypen dhe shpërndahen. Numri

i fletëvotimeve nuk tejkalon për më shumë se pesë për qind (5 %) numrin e votuesve në listën e votuesve.

4. Fletëvotimi duhet të përmbajë:

- a) treguesin e njësisë zgjedhore;
- b) organin që do të zgjidhet;
- c) numrin rendor të vendosur para secilit kandidatë;
- d) tiparet e sigurisë, sikurse janë përcaktuar nga KQZ-ja;

5. KQZ-ja më tutje përcakton me anë të rregullës detajet e fletëvotimeve:

- a) përmbajtjen; formatin dhe ekspozimin/dukjen;
 - b) mënyrën dhe kontrollin e printimit;
 - c) verifikimin, shpërndarjen dhe trajtimin e fletëve të votimit;
 - d) veçoritë e sigurisë; dhe
- e) çfarëdo çështje tjera të lidhura që nuk mbulohen me këtë rregullore.

6. Fletëvotimet shtypen nën mbikëqyrjen e drejtpërdrejt të KQZ-së apo Sekretariatit të KQZ-së

Neni 37

1. Vendvotimit hapen në orën 8:00 dhe mbyllen në orën 18:00.
2. Askush nuk mund të votojë pas kohës së mbylljes së qendrave të votimit, përveç votuesve të cilët presin në radhë në Vendvotim në kohën e mbylljes.
3. Vendvotimi, mund të mbyllet edhe para orarit (16:00), nëse kanë votuar të gjithë anëtarët në atë njësi zgjedhore, apo ka deklaratë të atyre anëtarëve se ata nuk do të votojnë.

Neni 38

1. Anëtari më të drejtë për të votuar ka të drejtë vote nëse ai/ajo është i përfshirë në listë përfundimtare të votuesve të OFK-së dhe plotëson kriteret sipas kësaj rregullore
2. Askush nuk e parandalon ose orvatet të parandalojë një anëtar me të drejtë për të votuar nga ushtrimi i së drejtës së tij/saj për të votuar.
3. Askush nuk lejohet të votojë në emër të anëtarit votuesi tjetër, përveç në përputhje me paragrafin 5 e të këtij neni.
4. Secili anëtar e plotëson fletëvotimin e vet në fshehtësi mbrapa kabinës së votimit. Vetëm një person lejohet mbrapa kabinës së votimit gjatë një intervali të caktuar kohor përveç nëse votuesi ka kërkuar ndihmë nga personi tjetër, siç përcaktohet në paragrafin 5 të këtij neni.
5. Anëtari i cili është me aftësi të kufizuar në atë mënyrë që nuk është në gjendje të shënojë ose hedh fletëvotimin mund të ndihmohet nga një person tjetër i zgjedhur nga anëtari nëse ai kërkon një ndihmë të tillë. Personi i tillë e ndihmon vetëm një votues dhe nuk është anëtar i KNJZ-SË ose vëzhgues i akredituar.
6. Personi i miratuar për të ndihmuar anëtarin shkruan dhe nënshkruan emrin e tij/saj në Listën e Votuesve, afër emrit ose një hapësire tjetër të ofruar nga votuesi icili është ndihmuar.
7. Anëtarët e KNJZ-së nuk mund në asnjë mënyrë të ndikojnë në vendimin e votuesit.
8. Anëtarët e KNJZ-së dhe/ose stafi i Vendvotimit shpjegojnë procedurën e votimit vetëm nëse u kërkohet nga anëtari.

9. Anëtarët e KNJZ-së kujdesen veçanërisht për të siguruar që anëtari nuk shqetësohet nga askush përderisa shënjon fletën e tij të votimit, dhe se fshehtësia e votimit është plotësisht e siguruar.

Neni 39

Për qëllim të këtyre zgjedhjeve në vijim janë dokumentet e pranueshme të identifikimit gjatë ditës së zgjedhjeve:

- a) letërnjoftimi i vlefshëm;
- b) ID – Kartela e OFK-së
- c) pasaporta valide;
- d) dokumenti i vlefshëm i udhëtimit;
- e) leja e vozitjes e vlefshëm e Kosovës;

Neni 40

Votimi në zgjedhjet e njëjta më shumë se një herë përbën vepër penale dhe është i dënueshëm në përputhje me kodin e etikës nga kjo rregullore si dhe Kodin Penal të Kosovës.

Neni 41

Anëtarët e KNJZ-ve dhe Kryesuesi votojnë të parët kur hapet vendvotimi.

Neni 42

1. Çdo anëtar në rresht në orën e mbylljes së Vendvotimit, lejohet të votojë nëse ka të drejtë për të votuar. Kontrolluesi i rreshtit e informon personin e fundit në rresht se ai/ajo është personi i fundit që voton. Çdo person tjetër që i bashkohet rreshtit pas atij personi, nuk lejohet të hyjë në Vendvotim, dhe informohet për pamundësinë e tij/saj për të votuar.
2. Pasi të votojë personi i fundit në rresht në kohën e përfundimit të votimit, kryesuesi i KNJZ-së e mbyll Vendvotimin , e mbyll kutinë e votimit në atë mënyrë që kjo të mund të shikohet nga vëzhguesit e pranishëm, dhenë librin e votimit e shënon kohën e saktë të mbylljes.
- 3.

Neni 43

1. Secili Vendvotim e ka Librin e Votimit në të cilin shënohen të gjitha ngjarjet domethënëse në lidhje me mbajtjen e votimeve të cilat ndodhin në vendvotim gjatë ditës së zgjedhjeve.
2. Vetëm Kryesuesi i KNJZ-së, anëtarët e KNJZ-së, dhe vëzhguesit e akredituar të pranishëm lejohen të bëjnë shënime në Librin e Votimit. Nëse votuesi ka ankesë në lidhje me ndonjë aktivitet brenda njeësisë zgjedhore, ai/ajo mund të kërkojë nga Kryesuesi i KNJZ-së regjistrimin e ankesës së tij/saj në Librin e Votimit dhe/ose të dorëzojë një ankesë në KQZ në përputhje me procedurat e përcaktuara.

Neni 44

1. Anëtari , emri dhe mbiemri i të cilit nuk mund të gjendet në LPV, ose që emri i tij/saj gjendet në LPV me një shenjë ose shënim që tregon se ai/ajo duhet të votojë me kusht, lejohet të votojë me kusht në VV-në që lëshon fletëvotime me kusht në pajtim me pëlqimin e Sekretariatit të OFK-së, konfirmimit me shkrim.

1.1. Votimi me kusht lejohet vetëm në raste të lëshimeve teknike të mospërfshirjes në listë përfundimtare të votuesit.

Neni 45

1. Procedurat e numërimit të fletëvotimeve qeverisen nga objektivat e mëposhtme: saktësia, transparenca, efikasiteti, mundësia për rinumërimin dhe përsëritja e zgjedhjeve dhe mbrojtja e fshehtësisësë votës.
2. Fletëvotimet e rregullta nga NJZ-së numërohen në po ato vendvotime, menjëherë pas mbylljes së procesit votues.
3. Fletëvotimet e pa plotësuara, fletëvotimet në të cilat janë rumbullakuar numrat rendorë të emrave të më shumë se një kandidati, dhe fletëvotimet ku nuk mund me saktësi të vërtetohet se për cilin kandidatë është votuar konsiderohen të pa vlefshme.
4. Procedurat e numërimit bëhen në pajtim me rregullat e KQZ-së.

Neni 46

1. Çdo anëtar i komisionit të KNJZ-së që ka vërejtje në rezultatet e shënuara në një vendvotim mund të regjistrojë mospajtimin e tij në librin e votimeve të vendvotimit dhe mund të dërgojë një vërejtje te KQZ
2. Kryesuesi i KNJZ-së, është përgjegjës për përmbledhjen dhe saktësinë e rezultateve të votimit të marra nga shënimet e vendvotimit të bëra në format e kërkuara dhe e dërgon formën e kompletuar të FPR-së në KQZ.
3. Rezultatet e numërimit në KQZ vendosen në vendvotim nga Kryesuesi i NJZ-së dhe kopja tjetër dërgohet në KQZ.
4. KQZ rezultatin preliminar publikon mrëmjen e datës së majtjeve të zgjedhjeve

Neni 47

1. Pas përfundimit të numërimit, të gjitha fletëvotimet e përdorura dhe ato të papërdorura, lista përfundimtare e votuesve, lista e votuesve me kusht, libri i zgjedhjeve, zarfet me fletëvotime me kusht që përmbajnë fletëvotimet e shënuara dhe materialet tjera zyrtare zgjedhore në vendvotim duhet të:
 - a) pakëtohen dhe transportohen në përputhshmëri me rregullat KQZ-së;
 - b) transportohen në kushte të sigurta deri në selinë e KQZ-së.
2. Kryesuesi i KNJ-së e shoqëron transportin e fletëvotimeve dhe materialit zgjedhor deri në selinë e KQZ-së, e nëse kërkohet, shoqërohet nga një anëtar i KNJZ-së i zgjedhur me short nga kryesuesi.
3. Fletëvotimet, format dhe materialet tjera zgjedhore të transportuara ruhen në kushte të sigurta derisa të zgjidhen të gjitha ankesat dhe derisa të certifikohen rezultatet nga KQZ-ja.

Neni 48

1. Të gjitha aktivitetet e zhvilluara nga KNJZ mund të vëzhgohen nga anëtarët e KQZ-së dhe stafit të Sekretariatit të KQZ-së, dhe vëzhguesit zgjedhor të akredituar nga KQZ-ja.
2. Jo më tepër se (1) vëzhgues të akredituar nga i njëjti kandidatë për anëtarë të Kuvendit, siç është apo të organizatave tjera të akredituara mund të jenë të pranishëm brenda QNR-së njëkohësisht.
3. Pa marrë parasysh kushtet e kësaj rregullore, nëse Kordinatori i sekretariatit të KQZ-së vlerëson se numri i vëzhguesve të akredituar zgjedhor ose të vëzhguesve të akredituar të mediave, të pranishëm brenda vendvotimit paraqet pengesë për procesin e numërimit, ai/ajo i udhëzon vëzhguesit e akredituar zgjedhor ose vëzhguesit e mediave të zvogëlojnë numrin e tyre.

Neni 49

1. Ankesat në lidhje me administrimin e numërimit në KNZ-së dorëzohen me shkrim pranë KQZ-së jo vonë se 24 orë prej mbylljes së vendvotimit
2. Paraqitja e ankesës nuk e pengon ose ndërpret procesin e numërimit.
3. Për të gjitha ankesat e marra vendoset nga KQZ.
4. Ankesa ndaj vendimit të KQZ-së mund të paraqitet te Gjyqi i Nderit
5. Vendimi i gjyqit të nderit është përfundimtar
6. Afatet procedurale vendosen nga KQZ

Neni 50

1. Brenda 24 Orësh nga mbyllja e votimit në njësi zgjedhore, KQZ publikon rezultatet preliminare në web faqen e OFK.
2. Kandidatët për anëtarët mund të paraqesin ankesat e tyre ndaj rezultatit në KQZ, në përputhje me afatin e përcaktuar në publikim e rezultateve preliminare.
3. KQZ-ja certifikon rezultatet përfundimtare të zgjedhjeve, pas përfundimit të të gjitha afateve të ankesave nga anëtarët ndaj rezultati preliminar të zgjedhjeve, apo pas vendosjes së Gjyqit të Nderit në rast kur janë pranuar ankesa.
4. Para certifikimit të rezultatit përfundimtar të zgjedhjeve, KQZ-ja mund të urdhërojë rinumërimin e votave në cilindo vendvotim të njësisive zgjedhore nëse ka dyshime mbi procesin në atë njësi zgjedhore
5. Në rast rivotimi njoftohen të gjithë kandidatët nga ajo njësi së paku 24 orë para rinumërimit.
6. Rezultatet e zgjedhjeve janë përfundimtare dhe detyruese atëherë kur janë certifikuar nga KQZ-ja.
7. KQZ-ja i publikon rezultatet e zgjedhjeve pasi që ato të jenë certifikuar. Sekretariati i KQZ-së i publikon këto rezultate përfundimtare në formë tabelare duke përfshirë edhe publikimin në faqen e vetë të internetit:
 - a) numri i zgjedhësve të regjistruar;
 - b) numri zgjedhësve të cilët kanë votuar në secilin njësi zgjedhore;
 - c) numri i zgjedhësve që kanë votuar (numri përfundimtar i votimeve të bëra);
 - d) numri i pranuar i fletëvotimeve të vlefshme;

- e) numri i papërdorur i fletëvotimeve;
- f) numri i fletëvotimeve të përdorura;
- g) numri i fletëvotimeve të pavlefshme;
- h) numri i fletëvotimeve të zbrazëta;
- i) numri i fletëvotimeve të dëmtuara;
- j) numri i votave për secilin kandidat;
- k) emrat e kandidatëve të zgjedhur.

Neni 51

1. KQZ jo më vonë se 5 (pesë ditë) pas ditës së certifikimit të rezultatit përfundimtar të zgjedhjeve për Kuvendin e OFK-së, shpall zgjedhjet për Kryetar të OFK-së
2. Kandidatura e anëtarit të Kuvendit për Kryetar të OFK-së së bashku me CV dhe programin (përvoja, vizioni dhe objektivat) dorëzohen në KQZ për certifikim .
3. Kandidatura për Kryetar të OFK-së duhet të ketë mbështetjen e të paktën 7 anëtarëve të Kuvendit të OFK-së, kandidati nuk mund të jap nënshkrim mbështetës për veten,
4. Një anëtar i Kuvendit të OFK-së mund ta mbështetë vetëm një kandidaturë për Kryetar të OFK-së
5. Kandidati për kryetar të OFK-së nënshkruan deklaratën për konflikt interesi.
6. KQZ është organ kompetent për vlerësimin e përmbushjes së kriterëve të Stautit të OFK-së dhe kësaj rregullore
7. Kërkesat për kandim për kryetar të përcaktuara nga Statuti i OFK-së dhe kjo rregullore nga paragrafi paraprak dëshmohen me rastin e kandidimit përmes dokumenteve, procedurës, dhe afateve të përcaktuara nga KQZ
8. Certifikimin e kandidatëve për Kryetar e bën KQZ.
9. Ndaj vendimit të KQZ mund të bëhet kërkesë për rishqyrtim të vendimit.
10. Vendimi KQZ ndaj kërkesës për rishqyrtim mund të atakohet në Gjyqin e Nderit.
11. Afatet kohore dhe ceshtjet procedurale në zbatim të këtij neni, caktohen nga KQZ në përputhje me standardet dhe praktikën ndërkombëtare.

Neni 52

1. Votimi për zgjedhjen e kryetarit të OFK-së bëhet me votë të fshehtë të anëtarëve të Kuvendit të OFK-së
2. Kryetar i OFK-së zgjedhet kandidati i cili ka fituar më së shumti vota nga anëtarët pjesëmarrës në procesin e votimit për kryetar.
3. Në rast se dy kandidatë të radhitur si të parët kanë numër të barabartë të votave, organizohet rundi i ri i votimit derisa të arrihet kriteri nga paragrafi paraprak i këtij neni.
4. Me përfundimin e procesit zgjedhor, KQZ shpallë rezultatin e zgjedhjeve për Kryetar dhe më këtë rast përpilon procesverbalin e votimit në të cilin evidentohen hollësit e procesit zgjedhor.

Neni 53

1. Me propozim të Kryetarit të OFK-së, Kuvendi me shumicë votash të anëtarëve prezent zgjedh zv.Kryetarët.
2. Votimi bëhet në mënyrë të hapur.

Neni 54

1. Jo më vonë se 30 ditë nga dita e zgjedhjes së Kryetarit të OFK-së bëhet zgjedhja e anëtarëve të Këshillit Drejtues të OFK-së
2. Kryetari dhe dy zv.kryetarët e OFK-së janë anëtarë të Këshillit Drejtues sipas detyrës zyrtare.
3. Kandidatura për anëtarë të Këshillit Drejtues duhet të mbështet nga së paku 5 nënshkrime të anëtarëve të Kuvendit .
4. Një anëtar i kuvendit mund të mbështesë vetëm një kandidatë për Këshill Drejtues.
5. Votimi për anëtarë të Këshillit Drejtues është i drejtpërdrejt dhe i fshehtë.
6. Një anëtar i kuvendit të OFK-së mund të votojë vetëm një kandidatë për anëtarë të Këshillit Drejtues.
7. Kandidatura për Këshill Drejtues së bashku me nënshkrimet dorëzohet në KQZ.
8. Certifikimin e kandidaturave e bën KQZ
9. Afatet dhe detajet tjera procedurale përcaktohen nga KQZ.

Neni 55

1. Jo më vonë se 60 ditë nga zgjedhja e Kryetarit të OFK-së, bëhet zgjedhje e anëtarëve të Këshillit Mbikqyrës
2. Këshilli mbikqyrës i OFK-së ka kryetarin, zv kryetarin dhe 3 anëtarë të cilët zgjidhen nga Kuvendi i OFK--së me votim të drejtpërdrejtë dhe të fshehtë.
3. Kandidatura për anëtarë, zv.kryetar dhe anëtarë të Këshillit Mbikqyrës duhet të mbështetet nga së paku 5 nënshkrime të anëtarëve të Kuvendit të OFK-së.
4. Një anëtar i kuvendit mund të mbështesë vetëm një kandidatë për Këshill Mbikqyrës.
5. Kandidatura së bashku me nënshkrimet dorëzohen në KQZ.
6. Afatet dhe detajet tjera procedurale përcaktohen nga KQZ,

Neni 56

1. Jo më vonë se 60 ditë nga zgjedhja e Kryetarit të OFK-së, bëhet zgjedhje e anëtarëve të Këshillit Etik
2. Këshilli Etik i OFK-së ka kryetarin, zv.kryetarin dhe 2 anëtarë të cilët zgjidhen nga Kuvendi i OFK--së me votim të drejtpërdrejtë dhe të fshehtë.
3. Kandidatura për anëtarë, zv.kryetar dhe kryetar të Këshillit Etik duhet të mbështetet nga së paku 5 nënshkrime të anëtarëve të Kuvendit të OFK-së.
4. Një anëtar i kuvendit mund të mbështesë vetëm një kandidatë për Këshill Etik.
5. Kandidatura së bashku me nënshkrimet dorëzohen në KQZ.
6. Afatet dhe detajet tjera procedurale përcaktohen nga KQZ,

Neni 57

1. Jo më vonë se 60 ditë nga zgjedhja e Kryetarit të OFK-së, bëhet zgjedhje e anëtarëve të Gjyqit të Nderit
2. Gjyqi i nderit i OFK-së ka kryetarin, zv.kryetarin dhe 3 anëtarë të cilët zgjidhen nga Kuvendi i OFK-së me votim të drejtpërdrejtë dhe të fshehtë.
3. Kandidatura për anëtarë, zv.kryetar dhe kryetar të Gjyqit të Nderit duhet të mbështetet nga së paku 5 nënshkrime të anëtarëve të Kuvendit të OFK-së.
4. Një anëtar i kuvendit mund të mbështesë vetëm një kandidatë për Gjyq të Nderit.
5. Kandidatura së bashku me nënshkrimet dorëzohen në KQZ.
6. Afatet dhe detajat tjera procedurale përcaktohen nga KQZ,

Neni 58

1. Jo më vonë se 60 ditë nga zgjedhja e Kryetarit të OFK-së, bëhet zgjedhje e Prokurorit dhe zv. Prokurorit të OFK-së
2. Kandidaturat për Prokurorë dhe zv.Prokurorë votohen me votim të drejtpërdrejtë dhe të fshehtë nga anëtarët e Kuvendit.
3. Kandidatura për Prokurorë dhe zv. Prokurorë të OFK-së duhet të mbështetet nga së paku 5 nënshkrime të anëtarëve të Kuvendit të OFK-së.
4. Një anëtar i kuvendit mund të mbështesë vetëm një kandidatë për Prokurorë dhe zv. Prokurorë të OFK-së.
5. Kandidatura së bashku me nënshkrimet dorëzohen në KQZ.
6. Afatet dhe detajat tjera procedurale përcaktohen nga KQZ,

Neni 59

Në të gjitha rastet kur numri i kandidatëve të certifikuar për zgjedhje në një pozitë në kuadër të organeve të OFK-së është i barabartë me numrin e pozitave të atij organi, votimi nga Kuvendi bëhet i hapur, me përjashtim të zgjedhjes së Kryetarit të OFK-së i cili zgjedhet me votim të fshehtë pavarësisht nga numri i kandidatëve.

Neni 60

Përbërja e komisioneve të përhershme dhe të përkohëshme i propozohet Kuvendit të OFK-së për votim të hapur nga ana e Këshillit Drejtues të OFK-së.

Neni 61

1. Me kërkesën e së paku 1/3 të anëtarëve të Odës të njësisë përkatëse zgjedhore në të cilën anëtari i Kuvendit të OFK-së është zgjedhur, Kuvendi i OFK-së obligohet që në afat prej 45 ditësh të fillojë procedurën e deklarimit të besimit të anëtarit të zgjedhur.
2. Konsiderohet se anëtari i Kuvendit të OFK-së është i revokuar nëse për revokimin e tij kanë votuar më shumë se gjysma e anëtarëve të OFK-së në njësinë përkatëse zgjedhore.
3. Në rast revokimi KQZ, duhet të fillojë procedurën e zëvendësimit të të njëjtit me anëtarin e parë në renditje me më shumë vota në afat prej 45 ditësh nga dita e votimit.
4. Nëse një anëtarë i zgjedhur në Kuvendin e OFK-së nuk ushtron funksionin e tij sipas statutit, dhe rregullores mbi punën e Kuvendit të OFK-së, dhe nuk merr pjesë së paku në 3 mbledhje të Kuvendit të OFK-së si dhe nuk arsyeton mungesën, Kryetari OFK-së pas votimit në Kuvend, njofton KQZ se të njëjtit i ka pushuar mandati dhe të bëjë

përzgjedhjen e anëtarit sipas radhës së renditjes së listës së kandidatëve nga njësia zgjedhore.

5. Anëtarit të revokuar të njësisë përkatëse zgjedhore i pushon anëtarësimi në komisionet dhe organet e OFK-së

Neni 62

1. Në rast kur ndaj një anëtari të organeve të OFK-së, fillon procedura etike pranë organeve kompetente të OFK-së, apo procedurë gjyqësore për keqpërdorim të detyrës profesionale, Kryetari OFK-së automatikisht pezullon nga detyra anëtarin.
2. Në mbledhjen e parë pas pezullimit të anëtarit, Kuvendi OFK-së vendos nëse i njëjti do të mbetet i pezulluar deri në përfundimin e çështjes etike apo gjyqësore, apo do të shkarkohet dhe në vend të tij të zgjidhet anëtari tjetër.
3. Pezullimi nga detyra, nuk paragjykon fajësinë e anëtarit në fjalë.

Neni 63

1. Zgjedhjet e parakohëshme organizohen përshtatshëm me dispozitat e kësaj rregullore.
2. Afatet procedurale për organizim të zgjedhjeve përcaktohen nga KQZ.

Neni 64

Organet e OFK-së nga përbërja aktuale e Kuvendit, vazhdojnë punën deri në konstituimin e organeve nga përbërja e re e Kuvendit.

Neni 65

1. Ndaj anëtarëve të OFK-së dhe kandidatëve për anëtarë të organeve të OFK-së të cilat cenojnë procesin zgjedhorë për organe të OFK-së ose nuk respektojnë parimet e përcaktuara me këtë rregullore, shkeljet e tilla do të shërbejnë si bazë për iniciimin e procedurës etike për shkelje të rëndë të detyrimeve
2. Procedura e vërtetimit të shkeljes së pretenduar zbatohet përshtatshëm me dispozitat e rregullorës për përcaktimin e shkeljeve etike dhe procedurat e mbikqyrjes etike dhe profesionale të OFK-së.
3. Ndaj rasteve nga paragrafi I dhe II i këtij neni mund të shqiptohet në mënyrë të drejtpërdrejt njëra nga masat e parapara (Paragrafi 1 me nënparagrafin 6 ose masa në nënparagrafin 7) në nenin 25 të Ligjit për Odat e Profesionistëve Shëndetësore 04/L-150, në vartësi nga rrethanat e shkeljes.
4. Shkelja etike nuk konsumon veprën penale.

Neni 66

1. Kjo rregullore hyn në fuqi, ditën e miratimit nga Kuvendi i OFK-së
2. Çështjet të cilat nuk janë të parapara me këtë rregullore dhe legjislacionin e OFK-së, rregullohen nga KQZ në përputhje me standardet, kërkesat dhe praktien ndërkombëtare
3. Me hyrjen në fuqi të kësaj rregullore, shfuqizohen dispozitat e rregullores nr.61 të datës 24.04.2018 dhe rregulloreve tjera të cilat janë në kundërshtim me këtë rregullore

Prishtinë 23.04.2022

Kryetari i OFK
Prof.Ass.Dr. Arianit Jakupi

